




Noldafa bugimoda


Batakaf murtoy. Noldafa bugimoda tisa tan logjiarotfir bugimodunol ke naelafa lenteka, koe arktikafa ruga ke Eurasia is Amerika blir. Voxen inafa tigura kare autove dem abdualbana wivga (tovukol) oku riica arapaniwer. Tulon valente Kanada moe Baffin ewala, tanoya bugimodafa yasa dem lerdoy oc is gadikeem va 1900 ik 2600 tovukol bad balemoy aksat rovoraweyar, ugale bat sebadadunol koe ruga viakud. Remi aluboya safta tiskina koe atoxo, tanoy oc va mon 140 malestur, trabe vas mon 11 kg. ! Bugimoda tir pockafa ta tizara va derokafa rekola. Tire atoapar ugale wivga autovev voxe tod riica riwe me atoar. Ison bat listaf batakaf murtoy vas tovukol kotron me rupter ; kire va aryon sulem dere malestur, i va jotaf libakol voxis dalon jontika zverliinda : nitca is wulpa is proklaci is ipomdunoloc is nudoloc is aryon zverioc.

Bruxafxipu. Bugimoda tir gundafa gu bruxafxu ise tir kalvekafa gu fent larde oralotsa is kotceem is item tid antafi bruxiskafti altoki. Bugimodaye va riwe kotron batakaf bruxeem dir, solve bugimodaya va jontik orikaf nok keve aftaf ludev atoer. Bak lanyona tanda ugale bugimoda jontikote tid, jontikbata va xantafa coyunta bulud aze va logeefa gola tolgenison katalad. Wali 1833 is 1950, mana tol-san-anyustoya tolgenira koe Lentefa Amerika dilizeyed. Bugimoda va geeka ke Kanada is lenteka ke Tanarasokeem arttalayad. Fentugalon, ant zveri abicote moe nazbalkexo koe orika is fent zavzagid. Arak keldur ise keno bostaf krant va taiga aala kotalar.

Abrotce : 55-65 cm-
Aldo : 1.50 - 2.0 kg- (bugimodaya sotir pwertafa loon dam bugimodaye)
Wiltade : 1.50 m-



Tovukol tir dalafa sinka ke bugimoda. Ina va sin kabdue tawaz pitcar voxe, vison vamootalson va ruga, dere toabianer. Bati zveri me tir bugimodunol anton midiaf : bak pereaksat moe Baffin ewala edje awal dun dur, bugimoda bak atfozok betivele toabianer. Inafa tejiira moni midiaf is mamiel soe tovukawer.



Iniapa ke bugimoda sotir otsafa gu pof kotceem abrotcaf vas ide 3 cm-. Toloya kuqa (tum diem tritafa bruxa) aname oral tid. Toloya ita keve lesay tid dem litoka wawale masek kum rikama neridasa va batakke ke ita.



Atoxo moe juro tigur isen inaf kor tir dum suxoma koe ruweem. Ato bak alubeaksat ok teveaksat bad tanoy ok toloy viel zo atoad. Lardie owara mali atoara va taneaf ato zo tozur, pune kobliira tikewed. Arti 30 viet, oc forikon toz takad.

Onseteson va wivga, bata bugimoda vion talar. Gemeltgemelton tictalar oke tictalar oke melizaweson vamootalar. Nekey awiava strokuca, tir tuzackafa gu grolomera va zveri is sebadadunolam. Arte loon tanyowe deolmetre male sik zo rotolatur.

